

## **PWOGRAM ASISTANS DIJANS POU LWAYE (ERAP) 2**

### **KESYON YO POZE SOUVAN (FAQS) SOU ERAP2 KONTE MIAMI-DADE LA, 2yèm Faz**

#### **KISA YO RELE ERAP2 A?**

ERAP2 vle di Pwogram Asistans Dijans pou Lwaye, faz de. Se Konte Miami-Dade ki patwone li epi li fèt pou ede fanmi ki gen pwoblèm peye lwaye akòz pandemi COVID-19 la.

#### **E PREMYE ERAP LA?**

Pwogram sa a sanble anpil ERAP2 e li pral kontinye. Yo ap administre de pwogram yo pou ofri asistans ki bay plis rezilta pou fanmi yo ki nan bezwen akòz pandemi an.

#### **ÈSKE MWEN KALIFYE POU FÈ DEMANN SIBVANSYON?**

Ou dwe rete nan Konte Miami-Dade, Florida.

-EPI-

Ou pa kapab peye tout lwaye masyèl ou pou pwoblèm lajan akòz COVID-19

-EPI-

Revni fanmi w pa depase katreven pousan (80%) limit Revni Familyal Medyan Rejyonal la pou 2020 nan Konte Miami-Dade, Zòn Estatistik Metwopoliten (MSA) Florida a pou ERAP

-OSWA-

Revni fanmi w pa depase sanven pousan (120%) limit Revni Familyal Medyan Rejyonal la pou 2020 nan Konte Miami-Dade, Zòn Estatistik Metwopoliten (MSA) Florida a pou ERAP2

**Kategori Limit sou Revni yo pou 2020**

<b>Kantite Moun nan Kay la</b>	<b>1</b>	<b>2</b>	<b>3</b>	<b>4</b>	<b>5</b>	<b>6</b>	<b>7</b>	<b>8</b>
<b>Revni pa Ane a 80% AMI</b>	\$51,200	\$58,500	\$65,800	\$73,100	\$78,950	\$84,800	\$90,650	\$95,500
<b>Revni pa Ane a 120% AMI</b>	\$76,800	\$87,840	\$98,760	\$109,680	\$118,560	\$127,320	\$136,080	\$144,840

-EPI-

Dwe gen kounye a yon kontra lwaye ki siyen ant ou menm ak mèt kay la (pwopriyetè a)

-EPI-

Ou dwe sètifye fanmi w pap reswa ni li pat resevwa okenn lòt sibvansyon oswa asistans pou lwaye pou peryòd yo ap fè demann pou li an (Egzanp: Sibvansyon pou Chwa Lojman (Seksyon 8), Sibvansyon pou Inifikasyon Fanmi (Family Unification Voucher), Lojman Sipèvize pou Ansyen Konbatan (Veteran Affairs Supportive Housing, VASH), Sibvansyon Jeneral (Mainstream Voucher), Seksyon 8 baze sou Pwojè (Project-based Section 8), Asistans pou Lwaye baze sou Pwojè (Project-based Rental Assistance), Lojman Piblik (Public Housing), Assistans pou Lwaye Baze sou Lokatè HOME (HOME Tenant Based Rental Assistance), sibvansyon pou lwaye Sekans Swen (Continuum of Care), lòt pwogram asistans pou lwaye gouvènman an ki gen pou wè ak COVID-19, elatriye). Otremandi: ou pa ka gen de asistans.

### KILÈ YO AP AKSEPTE DEMANN SIBVANSYON YO?

Pwosesis aplikasyon an ap kòmanse a mèkredi 21 Oktòb 2020. Trètman ak apwobasyon yo dwe fini pou tout peman yo ka fèt nan dat 30 desanm 2020.

### KIJAN MWEN KAPAB DEPOZE DEMANN SIBVANSYON MWEN AN?

Apati 21 oktòb 2020, fòmilè demann yo ap disponib sou entènèt nan:

<https://www.miamidade.gov/global/housing/home.page>

Sepandan, si w pa kapab ale sou entènèt pou fè demann nan oswa si w pa gen adrès imel, ap gen demann sou papyè disponib nan:

Public Housing and Community Development  
Applicant Leasing Center  
1401 N.W. 7 Street  
Miami, Florida 33125

Ou ka pase pran yon aplikasyon epi depoze aplikasyon ou fin ranpli a soti 9:00 a.m. rive 5:00 p.m. lendi jiska vandredi.

Lè w depoze demann ou an sou papyè se yon risk w ap pran paske gen plis chans **erè ak diskalifikasyon. NOU REKÒMANDE SERYEZMAN POU W RANPLI AK SOUMÈT DEMANN OU AN SOU ENTÈNÈT.**

## NAN KI LÒD YO VA FÈ REVIZYON DEMANN SIBVANSYON YO?

Yo va fè revizyon aplikasyon yo sou yon baz premye rive, premye sèvi.

## KI DOKIMANTASYON YO AP MANDE MWEN BAY LÈ YO FIN KONTAKTE M?

- Prèw COVID-19 ba w pwoblèm lajan (egzanp, lèt revokasyon, demann endanmnite chomaj, elatriye)
- Kontra lwaye ou genyen kounye a
- Pyès idantite chèf fanmi an ki gen foto l gouvènman an bay
- Idantifikasyon pou chak moun ki rete nan kay la, ak nesans oswa dosye enskripsyon nan lekòl akseptab pou minè
- Prèw revni kounye a pou tout moun ki rete nan kay la (dènye souch chèk yo, lèt revokasyon, lèt endanmnite chomaj, relve kontribisyon, elatriye)
- Si sa aplikab, enfòmasyon dapui pou plis mwa asistans (gran liv mèt kote w rete a ki montre montan lwaye ou dwe kounye a, bòdwo lwaye, oswa avi sou lwaye ou dwe ki montre balans lwaye ou dwe a, elatriye)
- Yon fòm (afidavi) Konte a pral bay ke tout granmoun nan fanmi an dwe siyen ki sètifye enfòmasyon ki nan demann sibvansyon an vre dapre sa nou konnen epi nou pa gen lòt asistans deja (jan sa dekri pi wo a). Afidavi a sèvi tou kòm otorizasyon pou bay enfòmasyon, jwenn enfòmasyon, epi pou fè w konnen ke sòf pou enfòmasyon pèsònèl, gen pati nan demann sibvansyon an ki sijè a lwa sou divilgasyon dosye piblik Eta Florida a .
- Enfòmasyon sou aktif ou genyen kounye a. Si sa aplikab, relve labank, fon retrèt, rant, valè an lajan asirans vi, pwopriyete pèsònèl ou genyen pou investisman, valè nèt nan pwopriyete imobilye, prè ipotekè, oswa kontra fidisi. Si w pa gen dokiman dapui sou aktif y ap ba w yon fòmilè oto-sètifikasyon de temwen granmoun, ki kapab moun ki rete lakay ou, dwe siyen.

## KI DOKIMAN MÈT KAY YO DWE BAY?

Kòm kandida, w ap gen pou kontakte mèt kote w rete a epi fè mèt kote w rete a konnen ou fè demann pou ERAP2 Konte Miami-Dade la.

Si yo apwouve w pou sibvansyon, pèsònèl konte a ap mande mèt kote w rete a dirèkteman yon fòmilè taks W-9 ranpli.

### **NAN KI DELÈ FANMI YO AK MÈT KAY YO DWE BAY DOKIMAN YO MANDE YO?**

Si yon anplwaye Konte Miami-Dade kontakte w pou mande w plis dokimantasyon, w ap gen karantuit èdtan pou voye dokiman yo mande yo nan adrès imel [ERAP@miamidade.gov](mailto:ERAP@miamidade.gov). Tout imel yo **dwe** gen non kandida a ak nimewo demann sibvansyon an.

Apa sa, ou te mèt depoze **kopi** dokiman verifikasyon yo mande yo nan lokal pi wo a, men sa pa rekòmande. Orè biwo a soti lendi rive vandredi ant 8:00 a.m. e 5:00 p.m.

Yo pap aksepte dokiman orijinal, e yo pap fè kopi nan kote pou depoze dokiman yo.

### **KI LÈ MWEN AP KONNEN SI YO APWOUVE M POU RESEVWA SIBVANSYON?**

Yo ap fè w konnen pa imel si yo apwouve w oswa pa apwouve w pou sibvansyon.

### **MWEN AN RETA PLIZYÈ MWA SOU LWAYE M. ÈSKE M KAPAB RESEVWA PLIS ASISTANS?**

Pou ERAP 2 ou gen dwa kalifye pou resevwa jiska twa mwa asistans, men pa plis pase \$5,000 ototal.

### **MWEN TE JWENN ASISTANS POU LWAYE NAN PREMYE ERAP KONTE MIAMI-DADE LA. ÈSKE MWEN TE MÈT FÈ DEMANN POU ERAP 2?**

Wi, si w bezwen plis asistans ou te mèt fè demann pou ERAP2. Sepandan, ou pap resevwa asistans pou mwa lwaye yo te ba w sibvansyon pou yo deja.

### **KONBYEN TAN SA AP PRAN POU MOUN RESEVWA ASISTANS?**

Peman yo dwe fèt pa pi ta pase 30 desanm 2020.

### **KIJAN AK KI LÈ Y AP AVÈTI MÈT KOTE M RETE A?**

PHCD ap kontakte mèt kay pa imel oswa pa telefòn.

### **KIYÈS KI AP RESEVWA PEMAN ASISTANS POU LWAYE A?**

Yo ap poste peman asistans la dirèkteman nan adrès ki sou Fòmilè W-9 lan.

### **E SI MÈT KOTE M RETE A PA DAKÒ PATISIPE?**

Nan ka sa a, nou pap travay sou demann sibvansyon w lan. PHCD ap fè w konnen si sa rive.

### **ÈSKE MWEN AP JWENN YON MOUN POU M PALE SI M GEN LÒT KESYON SOU PWOGRAM NAN?**

Wi. Ou ka kontakte Depatman Lojman Piblik ak Devlopman Kominotè Konte Miami-Dade la (Department of Public Housing and Community Development, PHCD) nan **(305) 723-1815** ant 8:00 a.m. e 5:00 p.m. Ou te mèt voye kesyon pa imel tou nan **ERAP@miamidade.gov**.